

赤城縣續志

卷册
地理志
建置志
禮制志
食貨志
武備志
光緒九年知赤城縣事許重訂

選舉志
人物志
藝文志
天文志

赤城縣續志序

志書何爲而作也維持風化而作也慨自世道日下人心澆漓有不知善之當爲而不爲者有明知善之當爲而不爲者有始焉爲善而繼焉爲不善者有陽焉爲善而陰焉爲不善者紛然雜出類皆君子其口而小人其心焉予於光緒七年承乏赤邑適有邑志之修業已告竣尙未行梓公務暇爰取所續修者而閱之覺筆墨與事跡均屬風雲月露復取舊志觀之始嘆前人操觚非後人所及也本欲節取舊志分入續修之中又念工本浩大民財維艱因與諸紳共議不如仍存舊板將續志附刻於後雖續志無多而新不廢舊俾後之讀是書者因委以窮源或廣其識見或動其心情總與風化一事攸關焉而前人創始之苦心亦不至沒於後人之口矣試思天降生民自

天子以至於庶人其勢雖異其性則同赤城雖僻居邊荒蒙

本朝二百餘年之澤固已革其從前之陋習矣維是文人學士尙未蒸蒸焉日進於

赤城縣志

序

古則風化猶未底於純也官斯土者欲易風而移俗務必先培養士氣士氣伸則民風變焉菁莪棫樸不憚椎鑿之苦辟雍鐘鼓共樂雅化之休豈不盡善而盡美乎觀予訂赤志始以地理終以天文其意可概見矣是爲序

光緒七年歲次辛巳希魯主人撰於赤城公署

赤城縣續志目錄

凡例

卷首

詔諭志

詔諭

宸章

卷三

禮制志

慶賀附恭迎 詔命

祀典附諸禮

關隘

儒學

紀事附雜志並金石志

天文志

星野

災祥

赤城縣志

序

一一一

赤城縣續志

凡例

一志體例分爲綱目舊綱列爲八新增十目統於綱庶協綱舉目張之義
一義例仍舊志參以續修所引

幾輔通志條量加增易務求詳備非敢自居作者

一卷中所載舊志原文最關緊要者悉仍舊

詔諭

宸章舊志載於藝文紀事之末冠履倒置於義未諧茲特恭錄以冠卷首

一禮儀爲淑世淑身之具金石字與史相資茲遵新例編增禮制金石二部補舊志所未及其序次各附其類以便觀覽

一舊志戶口繫於鄉都關隘附於塞垣茲增戶口關隘二目並人物志增儒學一條俾守者了然心目觀感者共切儀型云

赤城縣志

序

凡例

三

一舊志卷首列縣境等圖瞭如指掌燦若列眉疆域依然茲將赤城縣全境另本繪圖附刻於後

一各志中條目無可增纂者仍書其目以俟續採

一事實有失考者未敢附會姑闕以存疑

一舊志成於乾隆戊辰迄今百三十年考獻徵文良非易易經前任

林年貽宋尙文兩君先後成有續志稿茲復就見聞所及詳加補訂而較正之第恐遺漏尙多請俟諸博採君子

赤城縣續志卷首

詔諭志

詔諭

本朝

世祖章皇帝順治元年定鼎燕京傳檄關外之檄文並十年

上幸口外駐蹕赤城宋之屏請復道臣疏及所奉

俞旨康熙四年

諭令宣鎮隸山西尋奉

旨仍隸畿內十一年正月

上出居庸關奉

太皇太后幸赤城湯泉行宮三月初八日幸雲州金閣山靈真觀三十二年改衛所

設府縣三十五年三月

赤城縣志

序

上率諸王大臣統六師討噶爾丹初十日次獨石口十一日出塞先後

繪音均無案牘可稽黃志藝文紀事中恭紀始末茲不復贅

宸章志

謹案康熙三十五年征逆時

宸翰三章黃志藝文紀事中恭紀並辨府志紀年之誤

候 揀 知 縣 癸 酉 科 舉 人 汝 南 侯 鼎 臣
員 外 郎 銜 刑 部 主 事 寧 都 彭 世 翰

採訪以下俱係本縣人

孝廉方正王作梅翰林院孔目 貢 生王樹勳

甲辰舉人吳廷梅候選 千 總 孟 芝

恩 貢 生 程 大 倫 恩 貢 生 白振紳

辛酉科拔貢生蘇善述、癸酉科拔 貢 生白世符

歲 貢 生蘇凌雲 歲 貢 生李光彥

歲 貢 生張心銘 歲 貢 總 生鄭悟淦

歲 貢 生饒廷樞 廩 貢 步垣

廩 貢 生唐文藻 廩 貢 生白世

廩 貢 生白世箴 附 貢 生白世光彥

赤城縣志

序

三

廩 貢 生蘇善教 廩 貢 生侯永齡

廩 貢 生饒逢泰 廩 貢 生邊 巍

廩 貢 生李滋榮 廩 貢 生王詠史

廩 貢 生陳 庚 增 廣 貢 生侯永繼

增 廣 貢 生王煥勳 邑 庠 貢 生喬 森

赤城縣續志

纂修姓氏

總裁

口

北

兵

備

道

玉珩

宣

化

府

知

府

王堯

纂修

運同銜大桃知縣通州石壩州判署赤城縣知縣

林牟貽

現任永清縣知縣前署赤城縣知縣

張鉦

庚子科舉人候補直隸州知州赤城縣知縣

宋尙文

知府用候補同知署赤城縣知縣

熊壽錢

大桃一等戊午科舉人赤城縣知縣

許憬

參較

赤城縣志

序

二

赤

城

縣

縣

丞

王鑄

己酉舉人赤城縣教諭

李冠羣

赤

城

縣

教

諭

李遇泰

赤

城

縣

教

諭

祝經正

乙亥科舉人赤城縣教諭

楊斐

赤

城

縣

典

史

栢瀛山

督梓

赤

城

縣

典

史

劉向辰

分纂校訂

甲子舉人望雲書院山長山左

于光明

癸酉舉人望雲書院山長山左

韓邦憲

江

蘇

拔

貢

司馬楓

圖

赤城縣續志卷之一

地理志

志書莫先於地理而地理莫先於疆域疆域一正則地理得其平矣歷時已久不無沿革之殊成法猶存宜殫補修之力驗於人事者俯察焉有風俗之別著於天文者仰觀焉有星野之分此固一條不容缺者也前任黃令於此一事歷數寒暑而後告竣地理一條自禹貢而下援歷代而考證之俾後之人一展卷而獲博古之益焉詎非一大快事乎續修者或增或減不能盡同於前人而前人元元本本之處要不可以盡沒也因作地理志

疆域以下續修

黃志引畿輔通志赤城縣在府東北一百七十里東四十五里至邊界西三十里至龍門縣界南二十里至龍門縣界北一百里至邊界東南九十里至延慶州界西南十里至龍門縣界東北七十里至邊界西北五十五里至邊界東西

赤城縣志

卷之一 地理志

廣七十五里南北袤一百二十里案現在勘步縣城直北至北柵口及附近東西二柵皆一百里直南十六里至山麓其山無徑上下約七八里山外里餘始入龍門縣界黃志言二十里蓋指浩門嶺言嶺迤西非直南也直東至龍門所塘子口四十里有奇直西至鎮寧堡西柵子龍門縣界三十四里有奇東北至團山墩邊界九十六里不能直達計其迤折共一百五里東南取道樣田滴水出黃峪至延慶州寧界墩共一百里黃峪山半有隙馬臺界以是分計八十四里西南爲浩門嶺原名合門與龍門張四溝接壤計二十里剪子嶺在其左南短西長計二十五里西北至龍門路寧靜墩計五十里北上至野鷄山取道鎮寧堡計五十五里統計西北一百五里西南二十五里東南八十四里東北九十六里北一百里東四十里西三十四里南二十三里東西計廣七十四里南北計袤一百九十四里

黃志引舊志言由縣至京城三百六十里至保定府六百九十里至宣化府城一

百八十里案縣城至京有正僻二路正路二十里至浩門嶺又七十里至東山廟又八十里至土木又三十里至懷來縣又四十里至岔道又四十里至南口又五十里至沙河又五十里至京都計共三百八十里僻路八十四里至黃峪口又二十里至舊縣又四十五里至岔道岔道以南與正路同計共二百八十九里至保定府合京省間驛路三百三十里正路七百七十里僻路六百一十九里至宣化府二十五里剪子嶺又四十里龍門縣又三十里隆門關又三十里趙川堡又六十里至府城計共一百八十五里

附形勢

山川

浩門嶺 縣城西南二十里原名合門山下與龍門縣分界至京正路也

青羊寨山 卽青羊溝山外入龍門縣界在縣城西南十七里

剪子嶺 縣城西南二十五里山下與龍門縣分界至府路也

赤城縣志

卷之一 地理志

二

偏頭山 縣城西北十五里俗名鋸齒山象峯形也

黃土嶺 縣城北十五里上有古城今圯傳爲禦夷鎮黃志古蹟載禦夷鎮引畿輔通志在赤城縣東北後魏太和中置爲六鎮之一若然則宜在嶺東今考東向諸山無可置鎮城者疑爲傳訛此嶺背山面河實扼南北衝要也

金閣山 縣城北二十二里雲州西南八里兩間路西有谷口卽劉家谷也元時道者祁志誠居之易其山名曰金閣通志所載如瓊泉游仙巖皆具其中澗道縈紆西北有樵徑迤北之東實雲州路惟中巷絕頂峻甲諸峯俯瞰塞外瞭如指掌知前明楊昌平重修觀宇蓋隱情以虞敵非僅爲游觀所也籌邊樓或在是歟然不可考矣

南嶧山 縣城北六十里北距獨石四十里三峯鼎峙如列屏然惟值大陰雨

山水暴漲甚爲堡患元太傅劉文正公築精舍於此

馬營溝 縣城西北八十三里溝長二十餘里

董家洞 獨石城東南十里層巒環繞深澗縈迴故其山不外見梵宇重疊山半有洞相傳爲元明間避亂所洞側有野茉莉一本幹甚老色白而不馨其他花卉叢生墜隙多不知名若卷耳若芍藥若牡丹云

崆峒山 獨石東南十里俗名冰山盛夏猶寒巔際寬平方長幾萬步士人相傳明將軍劉綎壁此尋被圍全軍覆沒陰霾時作或現棺形按邊人雅好鬼神卽此一端可以概見

東山 獨石城東三里許

北山 獨石城北一里許地脉過峽所也左右分繞城東西面南出之是之謂水纏元武

紗帽山 馬營北二十里一名冠帽山宣鎮圖說所謂兩角枕宮帽山者是登山俯瞰城中無遁形圖說固危之矣矧偪處馬營溝後斷獨石口應援之路乎守險計長者宜毋忽於此山

赤城縣志

卷之一 地理志

三

野鷄山 鎮寧堡西北二十五里水來塞外如過峽昔曾跨水爲關今圯

玉石溝山 鎮寧堡西北二十五里距縣五十五里今封禁

聚陽山 龍門所東南三十里黃志謂仙人於此修鍊或據傳聞書之紀事載

元史發雲州民夫鑿銀洞置望雲銀冶成宗元貞元年立雲州銀場都提舉司治雖有專官然皆銀場耳治不必卽此山至大德元年以鑛石煬煉銅貨不出詔減謀額則明指聚陽諸治言是銅鑛實在此山也按此一條見治之無利於國有害於民已顯著於詔減之中矣書之以爲前事可鑒後來者無蹈故轍也紅沙梁 龍門所東南五十八里梁東即塞外地嵯峨怪石林立深澗中爲出塞咽喉

九連洞溝 龍門所迤西南四十里溝長七里奇九洞連亘其中極幽僻爲

至京捷徑行旅絡繹暴客往往伏伺自

光緒元年請於宣鎮每歲冬春分設邏卒行旅少安

暗門溝 九連洞溝東南口迤西南二里許行旅必由之路入夏多水惟冬可
以藏風故舍東北之老爺廟嶺取路於此

千松嶺 嶺在龍門所之東南嶺東五里即隘口名曰千松頂樓山峯相連彼
高於此故名松無多相傳明時敵毀垣而入

駱駝山 滴水崖堡東北一里許

盤道山 滴水崖堡東北二里許即天柱峰後山

黃峪 滴水崖堡東南二十里距縣城八十四里有賧馬臺當路巨石也人由
石上行石屬延慶州以此分界至京捷徑又名黃峪溝愛河屯村相傳古屯兵
處蓋滴水後路也

沽河 河自塞外來一幹二支幹入北柵口

口東有水關鐵柱康熙九年同知胡之濬創建雍正八年知縣朱煥復修今關柱無存以木易鐵

左右支流則由東西二柵入北西者合於獨石城西北繞出城南於城東北之
支流三水合一是爲獨石河春冬間東支間涸夏則盛漲洶湧之勢等諸北西

赤城縣志

卷之一 地理志

四

隄恒決爲害城隅

乾隆七年督憲孫嘉淦以獨石城爲邊口急工題准興修八年知縣孟恩誼領銀辦料於九年三月起工十一年九月訖工曾築石塼土堤至同治六年水決殆盡縣丞章景樊謀之

紳士吳廷梅等募千金與理事同知裕光捐廉以助築西隅月隄兼引河殺水勢然距今五年隄椿已搖

由是而南逕頭堡半壁三山貓峪舊站迤

入龍門峽名龍門川所謂獨固門者是出峽南下勢復盛七里河受之雲州以

東順軌而流至縣城外向東南急趨南合西來水泉河野雞山諸水甚或漫溢

潰隄

乾隆十二年水發道徒偏近城垣知縣孟恩誼捐工濬復二十四年知縣黃紹七復濬河道二官以後官紳事此者指不勝屈而旋濬旋淤潰溢常事耳

其他水與合者如剪

子嶺水浩門嶺水皆在山之泉細流就下盈科涸轍自昔靡常本不能逆折北

上而幹水旁溢合而爲支流山水漲成時間相挾倒漾水入以助幹水之勢然

東南下注其勢較順漾田一帶山遠水行不激地勢復平水到渠成田資灌溉

故明屯田水利今尙收之此外下游則西合龍門河入界東行者過青羅口北

迤繞滴水崖堡西南與紅沙梁南下之別派合而三面臨水之勢成於是匯流

下東南出黃峪東入延慶州界蓋靖安堡白河口也 樣田者官種作樣之田

也黃志引明史詳之通志易其名曰楊田河今攷之無據陽樂河詢無知者亦

未便於樣田南臆度其處諸河深廣時時各變有深至一二丈廣至六七丈時亦有淺至二三寸窄至一二尺時古人所謂無定河殆類此歟

野雞山河

水泉河源出湯泉

剪子嶺河

浩門嶺水

伏讀

高宗純皇帝御製文灤河濡水源考證濡水見史傳者凡五

說文出安東入漆涼者涿郡之濡也廣輿記出易州府獨山一名聖

女水者易州之濡也並音儒左傳出高陽者河潤之濡也音而三水皆由天津入海此獨石口外之濡讀如難音與灤近其水自由永平府之樂亭縣入海與畿內三濡迥不相涉又水經注蒼梧之濡水出永豐縣濡字音儒明亦適相同

而惟灤河之濡水源遠流長雄於其四酈道元水經注所謂出禦夷鎮者也灤

河源獨石口外東北一百餘里巴延屯圖古爾山

山爲興安正幹自張家口向東至獨石口外爲大山折而西北過上都城入於圍場

之海喇堪與興安大嶺相連屬出泉處較興安山梁尤爲特出也

酈道道元水經注云濡水出禦夷鎮東南 魏世祖破

赤城縣志

卷之一 地理志

五

蠕蠕列置降人於漠南東至濡源西概五原陰山分六鎮是禦夷居六鎮之東自獨石口外至開平皆其故地以今所考上都河源方向核之道元所言非盡無稽 歐陽修云灤水出炭山東北今考獨石口外無所謂炭山者惟巴延屯圖古爾山士人名其山爲黑老山按昔人有謂濡水出黑龍山者龍老音轉承訛黑龍山之言似不爲妄謹按濡水源本灤河灤河源發自獨石口外之巴延屯圖古爾山即士人所謂黑龍山濡水出禦夷鎮東南自獨石口外至開平皆禦鎮故地

聖製煌煌昭如日月茲黃志引畿輔通志沽河在縣東其源有二皆自塞外流入一曰獨石水一曰紅山水未確指發源之所士人僉謂相傳沽水發源自塞外黑龍山則沽河即源本於灤河抑沽即是濡皆難論定然以地考之今之獨石口即古開平衛縣城北黃土嶺有鎮城遺迹是赤城確爲禦夷鎮地復考水經注沽水注大谷水南逕獨石口西又南逕禦夷鎮城西沽水又南出獨固門又西

南逕赤城則沾與濡所經之地皆不出赤之境也恭錄

宸章並存舊說以俟博覽君子折衷一是焉

荊菜川 今無

娘子山泉 今無

冷泉 在湯泉南百餘步平地微凹處突出今在若有若無之間

黃龍潭 今涸

白龍潭 今涸

東山泉 在獨石東山上一方一圓滿而不溢

鹵水 詳古蹟禦夷鎮

古蹟

禦夷鎮 黃志引畿輔通志在赤城縣東北後魏太和中置爲六鎮之一又引水經注鹵水出西北山東南流逕舊鹵城北城在居庸縣西北二百里故名又

赤城縣志

卷之一 地理志

六

云鹵太和中更名禦夷鎮茲伏讀

高宗純皇帝御製文灤河濡水源考證酈道元水經注云濡水出禦夷鎮東南按禦夷鎮爲北魏六鎮之一考魏太祖紀云築長城於長川之西自赤城至五原延袤二千里又魏世祖破蠕蠕列置降人於漠東南至濡源西概五原陰山分六鎮是禦夷居六鎮之東自獨石口外至開平皆其故地

謹按縣城北黃土嶺有古城相傳爲禦夷鎮遺址今恭讀

聖製因灤河而考及禦鎮考核精密炳若日星允足信今而傳後矣

靈真觀見黃志祁志誠故居創築當在元世祖成宗間原名崇真明楊昌平請易今名觀在金閣山內山口東向題名坊在焉北距雲州八里入山迤西北澗磴縈紆有所謂南嵯者有所謂中嵯者中嵯峻甲諸峯磴亦較險洞闢其巔曰清虛其東北則耳熟之長春洞在焉洞中石像若二十許人道者指爲邱長春而以祖尊之其卽自號長春子之處機歟畿輔通志云瓊泉在長春洞前按洞

前亭欄下有一石鑿小井止水無源非泉所自出也洞中石座下雙派細流由左右刻石之水道引至龕外經拜臺斜注井畔穿石欄罅入井中復別穿諸罅出成渠承以木罽足供僧俗飲乾隆間大旱水涸特一時事也不必如黃志二泉繞座之說蓋泉在座下安知其爲二乎若夫仙遊峪詢之士人皆不能確指惟於幽僻處得一拳立石刻詩其上曰我到仙遊峪仙遊向何處南山雲樹深悵望不能去石痕剝蝕非近年物然無款識徵信略其在是歟

獨石亭 郡縣志皆入山川引水經注獨石孤生不因河而自峙其周圍纔百餘步高不及二丈與園囿中假山相似鍾靈天地究未可作山觀也宣鎮圖說云一名星山一名丈夫石籌邊者雄峙相況美其名曰丈夫豪氣語耳星則似爲鎮星之說皆人題之以慧星卓爾其誤會可概見矣若謂星當木口形家所謂捍門也羅星庶幾近之上有亭創建失攷康熙二十二年副總兵王之任重修記文詳藝文志

赤城縣志

卷之一 地理志

七

詠歸亭 黃志引舊志云在赤城湯泉上義取浴乎沂也甃石爲亭基周圍水繞之濺澤如煎茶之蠅眼氣蒸而上後之人穿石罅以出引池東南流溢至坡下迤折而西則修浴室也室有男女之別皆爲池其中水不薪自沸浴輒愈疫攷之續鎮志明景泰間昌平侯感黑蟒之異疏滌之藝文內載前明湯侍御兆京過溫泉記有溫泉下多有硫磺性殺蟲瘡疥蟒或有之靈何稱焉然猶謂或有蟒也竊謂蟒亦蟲屬固制於磺者磺所在安有蟒昌平在邊年久洞悉邊情計將溉樣田修屯政最利者須濬上游慮邊人不樂受厥功也乃聳之以蟒異焉邊人固好鬼神也可見豪傑舉事貴因時勢以利導之謹案康熙十年遣內大臣海喇孫建

行宮於湯泉設把總一員專管今廢石刻詩文詳藝文志附陵墓

明昌平侯贈穎國公楊洪墓 在縣東十八里今名楊善莊明龍門所參將饒允墓 在縣東南十五里今名老幼屯

昭軍將軍郭昇墓 在獨石穆其先塋側有將軍親筆之阡表表不文今節其事略記之將軍字賓陽別號東菴山西聞善縣軍籍調戍開平者也歷高曾祖以來未嘗一入廕仕及將軍代戍從董參軍拒敵龍門所之磨世溝維時嘉靖戊申秋七月也以後屢立戰功遂受朝命爲指揮僉事中間有軍令招撫朵顏偪虜巢而穴居虜意將見害將軍覺之讐以大義咸驚謬去出入漠北閱十餘年虜夷始帖服不爲邊患云

鄉都 赤城八里行差村莊各附其里以行

赤城里

西紅石窰 縣東十五里

東紅石窰 縣東十七里有奇

郭家屯 縣東南三十三里

雙山砦 縣東南二十里

浩門嶺 縣西南二十里

小營堡 縣西南十五里

小嶺 卽鄭家莊縣西南十二里

糖房村 縣西南十五里

赤城縣志

卷之一 地理志

八

王官村 縣西北二十里

四道溝 縣西北十九里

龍門里 縣東三十里由樣田大道迂迴六十里

高鎮東 縣東南四十二里所東南十一里卽高墩

紅沙梁 縣東南五十四里所東南二十四里續成

程鎮溝 縣東南四十八里所東南十八里續成

小堡子 縣東南四十五里所東南十五里續成

殷家窰 縣東南六十五里所東南四十里

草廠溝 縣東南六十二里所東南三十七里續成

樣田堡 縣東南三十里所西南二十里

蘑菇溝 縣東南五十一里所西南二十一里

滴水崖里 縣東南七十二里

上莊子 縣東南六十八里堡西南八里

白龍潭 縣東南七十五里堡西南十五里續成

暗門溝 縣東南五十四里堡西北十八里

長勝莊 縣東南七十六里堡西北八里

馬營里 縣西北六十四里

邱家嶺 縣西北八十九里堡東北二十五里

寺兒溝 縣西北五十九里堡東南十里

東柵口 縣東北一百里口東北十里續成

觀音堂 縣正北八十五里口東南五里續成

頭堡子 縣正北七十八里口東南十二里

君子堡 縣西北八十四里口西南三十里

馬營溝 縣西北九十二里口西南十里又二十里村盡續成

太堡溝 縣西北九十七里口西南五里又十五里村盡續成

城西溝 縣西北九十五里口正西五里續成

龍門 口縣正北二十里村堡正南十里

呂和堡 縣正北十九里堡正南十一里昔名李和堡

東路

張家寨

新莊子

丈房溝

潘家寺

郝家寨

鄧家寨

灰寨子

郝家寨

東村

西村

南路

武家寨

青陽觀

炮爐

石溝

西路

東溝樓

三道溝

趙家溝

鄭家墩

水泉兒

西寨子

赤城縣志

卷之一 地理志

九

北路

周里溝

打羅村

頭墩莊

二墩莊

梨木溝

案黃志以村莊分路時尙無八里制也八里制定既久

傳說八里原委嘉慶七年開除圍撥等地後以賦役不均故從民欲

而析之嶺以官堡如君子松樹地方遼闊無附近村落清泉附近中堡外亦無近者因悉附之獨石口里設倉各一屯

糧米豆就近輸倉免民遠涉似宜從今而於各名下兼注方向里數所以重民居權程限也今無昔有別爲廢村則興廢攸繫矣堡有官民之別清泉半壁貓峪君子松樹羊房倉上鎮案鎮寧牧馬樣田滴水長仲寧遠皆官堡也城則三等曰衛曰所曰營其營城馬營是所城龍門雲州是衛城獨石赤城是然亦論從其朔今既改衛爲縣餘城宜皆以堡名孤懸者別附前注已詳村非孤懸而人民較少或今昔異名者詳註於下或名異而重出或義失於轉音亦各注之以備攷其無關名實互相移易若村莊寨屯堡溝類第從人習知者惟龍門縣之于家堡確在彼境不知當日何以易堡爲溝闌入東路今徑削去無復疑也